

U G O V O R
o pružanju advokatskih usluga

I UGOVORNE STRANE

KJP „ZOI'84 OCS“ d.o.o. Sarajevo

Sjedište: Alipašina bb, 71000 Sarajevo
Koga zastupa direktor mr.sci Nevres Alispahić
Identifikacijski broj: 4200347000004
(u daljem tekstu: Naručilac)

i

Advokatska kancelarija advokat/odvjetnik Vlado Adamović

Sjedište: Jadranska 9/1, 71000 Sarajevo
Identifikacijski broj: 4302009000004
Transakcijski broj banke, ime i sjedište banke 5556000017843547 Nova Banka AD Banja Luka (u daljem tekstu: Izvršilac)

II PREDMET UGOVORA

Član 1.

Predmet ovog ugovora je **nabavka advokatskih usluga** prema potrebama i pozivu Naručioaca broj: 498-1/19 od 18.02.2019.g. i ponudi Izvršioaca br.1/19 od 28.02.2019. godine, koji su u prilogu ovog Ugovora i čine njegov sastavni dio.

Član 2.

Ugovorne strane su saglasne da Izvršilac usluga prioritetno, Naručiocu usluga u utvrđenim terminima kontinuirano pruža pravnu pomoć, a prema stvarnim potrebama Naručioaca i to:

- a) Stručna pomoć pri izradi statuta, pravilnika i drugih internih akata ugovornog organa;
- b) Zastupanja pred svim nivoima sudova u BiH i pred državnim organima, upravnih postupaka i sporova, privrednih prijestupa i kaznenih dijela u oblasti privrede, radnih sporova, parničnih sporova i dr;
- c) Stručna i medijativna pomoć u slučaju sukoba mišljenja, povrede ugovora, zakona i drugih propisa do strane zaposlenika ugovornog organa;
- d) Stručna pomoć pri pregovorima oko investicionih ulaganja, saradnje sa međunarodnim finansijskim institucijama i drugim međunarodnim tijelima;
- e) Konsultativna pravna pomoć pri tumačenju postojećih i pripreme budućih ugovora, posebno u odnosu na usaglašenost ugovora sa pozitivno-pravnom regulativom u BiH
- f) Pravna i medijativna pomoć pri postupcima naknade štete;
- g) Sačinjavanje svih vrsta podnesaka vezanih za navedene postupke (sastavljanje žalbi, tužbi, vanrednih lijekova vezano za naznaku b) ovog člana);
- h) Stavljanje na raspolaganje u slučaju potrebe za druga pravna mišljenja.

Član 3.

Za poslove iz prethodnog člana ovog Ugovora Izvršilac se stavlja na raspolaganje prema potrebi poslovanja u skladu s dogovorom, u prostorijama Naručioaca ili Advokatske kancelarije.

Član 4.

(1) Izvršilac se obavezuje da će Advokatske usluge navedene u članu 1. i 2. ovog Ugovora, preduzimati sa posebnom pažnjom i potrebnim znanjem, savjesno i odgovorno, poštujući pravila svoje profesije te se maksimalno zalagati za interese Naručioca.

(2) Kontakt sa Izvršiocom će se ostvariti uz dogovor sa predstavnikom Naručioca: Agić Riadom ili nekom drugom osobom koju odredi Naručilac, o čemu će Izvršilac biti blagovremeno obaviješten.

(3) Izvršilac se obavezuje da će o svim preduzetim radnjama redovno sačinjavati pismeni izvještaj i dostavljati Naručiocu, a po potrebi o istom informisati dodatno i usmenim putem.

III CIJENA I NAČIN PLAĆANJA

Član 5.

(1) Ukupna vrijednost predmetnog Ugovora iznosi **24.000,00 KM** (slovima: dvadesetčetirihiljade i 00/100 konvertibilnih maraka) bez uključenog PDV-a, odnosno 28.080,00 KM (slovima: dvadesetosamhiljadaosamdeset i 00/100 konvertibilnih maraka) sa uključenim PDV-om.

(2) Naručilac se obavezuje da će Izvršiocu plaćati mjesečnu paušalu i to u iznosima od 2.000,00 KM bez PDV-a, bez obzira na vrstu i obim advokatskih usluga pruženih u toku mjeseca.

(3) U cijenu iz stava (1) ovog člana su uključeni svi troškovi koji mogu proisteći za realizaciju predmetnog Ugovora.

(4) Isplata iz stava 1. ovog člana vršiće se na račun Izvršioca, a na osnovu ispostavljenog izvještaja o pruženim uslugama i fakture, u roku od maksimalno 30 dana od dana ovjeravanja fakture od strane ovlaštene osobe Naručioca.

Član 6.

O eventualnim nedostacima u količini i kvalitetu predmetne nabavke Naručilac će Izvršioca izvijestiti odmah, a najkasnije u roku od 12 sata od momenta uočenog nedostatka u izvršenju.

IV STUPANJE NA SNAGU I RJEŠAVANJE SPOROVA

Član 7.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana a primjenjivaće se **do 21.03.2020. godine** od dana stupanja ovog Ugovora na snagu.

Član 8.

(1) Svaka ugovorna strana može pokrenuti postupak raskida Ugovora ako druga strana ne izvršava ugovorene obaveze, uz otkazni rok od 15 dana.

(2) U slučaju raskida ugovora iz bilo kojih razloga, Izvršilac je dužan nastaviti sa započetim poslom još 30 dana radi sprječavanja štetnih posljedica za Naručioca.

Član 9.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

V OSTALE ODREDBE

Član 10.

(1) Izvršilac nema pravo da, u svrhu izvršenja ovog Ugovora, zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

(2) Od momenta stupanja na snagu ovog Ugovora, Izvršilac je saglasan da neće zastupati stranke po predmetima koji po svojoj prirodi imaju interes a koji je u sukobu sa interesom Naručioca.

Član 11.

Za sve što nije regulirano ovim Ugovorom primjenjivaće se odredbe propisa Zakona o obligacionim odnosima u Bosni i Hercegovini.

Član 12.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 13.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka

Za Izvršioca

Za Naručioca

Vlado Adamović, advokat/odvjetnik

mr.sci. Nevres Alispahić, direktor

Datum: __.__.2019. godine

Datum: 28.03.2019. godine

Broj: _____

Broj: 929

OBRAZAC ZA CIJENU PONUDE

Ponudač: ODVJETNIK/ADVOKAT VLADO ADAMOVIĆ

Ponuda br. 112019 od 28.02. 2019 godine

R. br.	Opis usluga	Količina	Cijena usluge za 1 mjesec bez PDV-a	Ukupna cijena bez PDV-a
1	2	3	4	5
1.	Pružanje advokatskih usluga	12 mjeseci	2.000,00 KM	24.000,00 KM
2.	Popust			/
3.	PDV			4.080,00 KM
4.	Ukupno sa popustom i PDV-om			28.080,00 KM

Napomena:

1. Ponudač je obavezan u ponudi da navode popust ako je isti odobren.
2. Cijene moraju biti izražene u KM. Za svaku stavku u ponudi mora se navesti cijena.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama. Svi eventualni troškovi i popusti moraju biti uključeni u izraženu cijenu.
4. Jedinčna cijena stavke se ne smatra računskom greškom, odnosno ne može se ispravljati.
5. Usluge navedene u ovom obrascu, dobavljač je dužan vršiti u skladu sa pravilima struke i pozitivnim propisima koji uređuju navedenu oblast;
6. Izvršilac se obavezuje da će usluge koje su predmet ovog postupka vršiti lica koja imaju iskustvo i znanje za pružanje navedenih usluga, te koja ispunjavaju sve zakonske uvjete za vršenje navedenih.

Potpis ovlaštene osobe: *Vlado Adamović*

Mjesto i datum: SARAJEVO, 28.02.2019.

Pečat Ponudača: **ODVJETNIK/ADVOKAT**
Vlado Adamović
 z Tel: 062 693 394